

Zeitschrift: Schwyzerlüt : Zyschrif für üsi schwyzerische Mundarte

Band: 17 (1954-1955)

Heft: 1 [i.e. 2]

Artikel: St. Michel

Autor: Fringeli, Albin

DOI: <https://doi.org/10.5169/seals-185470>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 22.11.2024

ETH-Bibliothek Zürich, E-Periodica, <https://www.e-periodica.ch>

Vier Erstdruck

ST. MICHEL

*Wyti Fälder, still und leer,
Grad, wie wenns ne Stärbet wer.
Aenenabe isch dr Summer,
Vor dr Türe stöht dr Chummer;
s Wintergspäisch passt öis im Schilf;
Chumm, Sant Michel, chumm is z Hilf!*

*Wenn mer öise Bärg uff göh,
Hass und Nyd im Wägli stöh;
Wenn mer mit vill Sorg und Mieh
s schwere Chärlis obsig zieh,
Denn Sant Michel, hör die Bitt:
Sturge Geist, vergiss is nit!*

*Blyb bi öis uff alle Wäg,
Züng is i de feischtre Täg;
Stöht dr Drache vor em Huus,
Jag en du zum Längli us,
Blyb bi öis als tröije Hirt,
Hilf, ass s Guete Meister wird!*

(Prob us der
Radio-Hörfolg «St. Michael», 1952)

DR SUNNE ZUE

*Ne Bliemli wer so gärn a s Liecht,
Es hets nit tröue zwoge:
Es meint, es syg jo zweni putzt,
Die angre tiejes ploge.*

*Es wartet und es bsinnt si lang
Und dränggt drno a d Sunne,
Wenn s die né bitzli useputzt,
He nu, denn hätt s es gwunne.*

*Jetz het mi Bliemli doch dr Muet,
Es streggt si, loht si ufe,
Es hebt dr Chopf i Sunneschyn
Und tröut schier nimmi zschnuufe.*

*Un chuttet o dr Wing durs Lang,
Aer rysst und pfyfft vergäbe:
Es wacht ne Sunne oben öis,
Die bringt is Muet und Läbe.*

UUFEN UND ABE

*s goht uufen, s goht abe,
Johruß und johry.
Chausch lache, chausch chlage,
s wird miesse so sy.*

*I ma nimmi singe,
Es fehlt mer dr Muet.
Tuesch schaffe, hesch Sorge,
De Fuule gohts guet.*

*Und lauf i i d Fröndi,
Und wird i o rych,
Es wird mer nit wöhler,
Bi eister dr glych!*

*Was nutze mer d Batze,
Was han i drvo,
Wenn s Härz wägem Raggre
Nit rächt meh ma schloh?*

*«Lauf uufe, lauf abe,
Und stell di als Ma,
Füll ghörig dy Chrättli,
Dr Herrgett will s ha!»*

I GLAUB ...

*Ha gmeint, s geb i dr feischtre Nacht
Ghei einzig Liechtli meh,
Do han i hinger einer Tür
Ne heiter Flämmli gseh.*

*Ha gmeint, es syg ne schlächti Wält,
Un jede syg ne Strigg,
Do gsehn i uff em Wäg für hei
Uffs Mol ne heitre Bligg.*

*I glaub, i züng ne Lämpli a,
Das zünkt dr z Obe hei
Un rieft dr uss dr Wyti zue:
Du bisch jo nit ellei!*